



SAKSPAPIR

Saksnr	Utval	Type	Dato
24/2017	Formannskap/plan- og økonomiutvalet	PS	20.03.2017
	Kommunestyret	PS	

Sakshandsamar	Arkiv	ArkivsakID
Gjertrud Karevoll	FE - 141, TI - &37	15/1569

PLANSTRATEGI 2017-2020 - 2 GANGS HANDSAMING

Vedlegg:

2016 Planstrategi Vaksdal til høyring

Rådmannen sitt framlegg til vedtak:

Kommunal planstrategi for Vaksdal kommune 2016-2019 vert vedtatt slik den ligg føre.

Formannskap/plan- og økonomiutvalet - Sak 24/2017

FPØ - Behandling:

Saka skal vidare til kommunestyret.

Framlegg frå ordføraren:

Kommunestyret ber om ei samla framstilling for det som gjeld næring og friluftsliv.

Rådmannen sitt framlegg samrøystes vedteke.

Framlegget frå ordførar samrøystes vedteke.

FPØ - Tilråding:

Kommunal planstrategi for Vaksdal kommune 2016-2019 vert vedtatt slik den ligg føre.

Kommunestyret ber om ei samla framstilling for det som gjeld næring og friluftsliv.

Saksopplysningar:

Kommunal planstrategi er eit verktøy i plan- og bygningslova, §10-1. Ved revisjon av plan- og bygningslova i 2008 vart det sett krav til at kommunane skal utarbeide kommunal planstrategi kvart 4. år.

Saka gjeld godkjenning av kommunal planstrategi 2016-2019. Hensikten med planstrategiane er å legge til rette for ei ønska samfunnsutvikling, samt gje politisk nivå i kommunen reell og meir innflytelse i planarbeid i kommunane. Målet er større samhandling og forankring av planarbeid mellom administrativt og politisk nivå i kommunen, og ei tettare kopling


mellom fag og folkemeining. Gjennom arbeidet med planstrategien skal det gjerast systematiske vurderingar av kommunen sitt planbehov, slik at kommunen betre kan møte aktuelle utfordringar.

Saka vart handsama i FPØ 30.01.2017 - Sak 06/2017, og vedtatt lagt til offentleg høyring. Høyringsperioden har frist 12. mars 2017. Innan 10. mars er det kome 4 innspel; frå Statens vegvesen, NVE, Kystverket og Direktoratet for mineralforvaltning. Eventuelle andre merknader i saka vert lagt fram i møtet 20. mars 2017. Planstrategien er ikkje juridisk bindande, og det er ikkje anledning for motsegn til dette dokumentet.

Gjennom å klarleggje kva planoppgåver kommunen bør starte opp eller vidareføre for å legge til rette for ønska utvikling i kommunen er målet å betra den kommunale planlegginga. Det er då viktig at planlegginga er behovsstyrt og ikkje vert gjort meir omfattande enn nødvendig.

Målsetjing:

- Betre og meir behovsstyrt planlegging
- Verktøy for politisk prioritering av planoppgåver
- Betre samarbeid om planoppgåver på tvers av kommune- og fylkesgrenser



Prosess

Det er andre krav til offentlege medverknadsprosessar i samband med arbeidet med planstrategien enn ved anna planarbeid. Kommunen skal innhente synspunkt frå nabokommunar, statlege og regionale organ, og forslag til kommunal planstrategi skal til offentleg høyring i minimum 30 dagar før handsaming (vedtak) i kommunestyret, jamfør Plan- og bygningslova §10-1. Planstrategien er ikkje juridisk bindande, og det er ikkje anledning for motsegn til dette dokumentet.

Vurdering

Planstrategien har ein kortfatta status for nøkkeldata, utfordringstrekk og utfordringar knytt til samfunnsutvikling, levekår og folkehelse. Planarbeidet i kommunen har vore omfattande, særleg dei 3 siste åra. Strategien gjer også greie for dette. Desse planane skal takast i bruk, dei skal omsetjast til praksis. Me skal trygge det me er flinke til, og heve oss der me har mest å hente. Nytt planarbeid skal bidra til det siste, nemleg å heve oss der det er mest nødvendig.

Kommunen står føre ein særleg krevande periode med store statlege samferdselsprosjekt, som vil

påverke kvardagane til innbyggjarane i større og større grad. I denne planstrategien er det då også vektlagt ein balanse mellom planlegging og iverksetting ut frå kapasiteten i kommuneorganisasjonen.

Endringar etter høyring og offentleg ettersyn:

Det er ikkje gjort endringar etter offentleg medverknad.
Oppsummering etter innkomne merknader følgjer under.

Oppsummering av merknader til planframlegget:

Nr	Dagsett	Offentleg instans	Merknad
1		Fylkesmannen	Kan kome
2		Hordaland fylkeskommune	Kan kome
3		Bane NOR	Kan kome
4	7. mars 2017	Statens vegvesen	Peiker på nasjonale forventningar, rikspolitiske retningslinjer og aktuelle forskrifter vert ivaretatt i planlegging
5	1. mars 2017	NVE	NVE har ingen merknader til framlegget.
6	22. feb 2017	Direktoratet for mineralforvaltning	Om mineralressursar.
7	9.mars	Kystverket	Ingen merknader til framlegget
		Andre	

1. Fylkesmannen

2. Hordaland fylkeskommune

3. Bane NOR

4. Statens vegvesen

Statens vegvesen har ansvar for at føringar i Nasjonal transportplan (NTP), Statlege planretningslinjer for samordna bustad-, areal- og transportplanlegging, vegnormalane og andre nasjonale og regionale arealpolitiske føringar blir ivareteke i planlegginga. Vi uttalar oss som forvaltar av riksveg på vegne av staten, fylkesveg på vegne av fylkeskommunen, og som statleg fagmyndighet med sektoransvar innan vegtransport.

For transportpolitikken er det eit overordna mål å tilby eit effektivt, tilgjengeleg, sikkert og miljøvennleg transportsystem som dekkar samfunnet sitt behov for transport og som fremjar regional utvikling. Viktige tema for Statens vegvesen er:

- *Statlege planretningslinjer for samordna bustad-, areal- og transportplanlegging*
- *Satsing på mjuke trafikantar, fotgjengarar og sykkel*
- *Eit godt og velutvikla kollektivtilbod*
- *Universell utforming*
- *Behandling av støy og reduksjon av klimagassutslepp*
- *Kommunal trafiksikkerheitsplan*

Dei fleste av tema er tatt opp i planstrategien, men me vil nemne fylgjande:

- *For å oppnå dei tre hovudtema i dei nasjonale forventningane til regional og kommunal planlegging (vedtatt av stortinget i 2015), er det viktig at «Statlige planretningslinjer for samordnet bolig-, areal- og transportplanlegging» vert lagt til grunn i planarbeidet.*
- *For å oppnå at Vaksdal kommune vert ein trygg og inkluderande stad for alle, bør det arbeidast for eit universelt utforma transportsystem. Transportsystemet skal vere tilgjengeleg for alle i samsvar med «Rikspolitiske retningslinjer for universell utforming».*
- *Støy relatert til E 16 er ei utfordring i Vaksdal kommune. Syner difor til gjeldande forskrift «T-*

1442; Retningslinje for behandling av støy i arealplanlegging», som må leggjast til grunn i utgreiinga i høve utbyggingar langs veg.

Rådmannen sin kommentar: Merknader er knytt til innhaldet i komande planarbeid, og må ivaretakast i utarbeiding av planar.

5. NVE

NVE har ingen merknader til framlegget til planstrategi.

6. Direktoratet for mineralforvaltning

For å få ei god og berekraftig forvaltning av våre mineralressursar oppmodar DMF til at det lages temaplan for mineralressursar. Planane kan lages som kommunedelplanar i kvar einskilde kommune, men vi oppmodar sterkt til at det blir utarbeidd regionale planar for mineralske ressursar. Dette er i tråd med regjeringas nasjonale forventningar til regional og kommunal planlegging som spesifikt seter at behovet for og tilgangen på byggeråstoff ses i ei regional samanheng. DMF anbefaler derfor at kommunen legg opp til ei kartlegging av ressurstilgang og behov for mineralressursar, enten som ei eige plan eller i samband med ei eventuell plan for massehandtering. Sjå til dømes til Regional plan for masseforvaltning i Akershus

Rådmannen sin kommentar:

Det er lagt opp til plan for massehandtering/forvaltning i denne planstrategien.

7. Kystverket

Kystverket har ingen merknader til planstrategi

Vurdering

Med bakgrunn i saka slik det er gjort greie for rår ein til at Planstrategi for Vaksdal 2016-2019 vert vedteken.